

福
片
總
隨
判

維摩精舍叢書
之一
商行鑒題



榴
片
總
隨
判

維摩精舍叢書
之一
商行鑒題



圖書在版編目(CIP)數據

榴窗隨判／袁煥仙講述；南懷瑾等整理．——上海：

上海書店出版社，2016.1

(維摩精舍叢書)

ISBN 978-7-5458-1215-2

I. ①榴… II. ①袁… ②南… III. ①大乘—佛教—

研究 IV. ①B944.1

中國版本圖書館CIP數據核字(2015)第316881號

維摩精舍叢書第一函目錄

榴窗隨判 一卷

黃葉閒譚 一卷

中庸勝唱 二卷

靈巖語屑 一卷

酬語 一卷

維摩精舍叢書第一函目錄終



民國三十三年冬月

維摩精舍叢書

藍青欣史

鹽亭袁煥仙先生肖像



寫在朱砂版《維摩精舍叢書》重印之際

我爹爹袁煥仙和師兄南懷瑾先生及我爹爹一批朋友共同成立成都維摩精舍，已經八十多年過去了。他們旨在宏揚中國傳統文化，探究儒釋道精髓，深研文史哲內涵，廣泛涉獵古今中外，延續中華文明之心燈，明心致志，光照人心和民族。其間整理編輯出版《維摩精舍叢書》即是佐證。

經師兄南懷瑾先生發揚光大，師兄李自申先生等不懈傳播，《維摩精舍叢書》至今仍有不少有識之士在研習修證，傳承深化。我爹爹及維摩精舍同仁若有所知，一定甚感欣慰！

這部朱砂版《維摩精舍叢書》在『文革』中從我家抄走，『文革』結束後又退還我們。

不知何時該書再一次『離開』了我家，因緣所致，成都文殊院方丈宗性大和尚在市場上偶遇，並出鉅資收回，再度送還我家。一次偶然機遇，上海葉鹿城先生在我家看到該書而發心出資重

印，才有今日朱砂版《維摩精舍叢書》的再次
印行，以饗讀者。

在此，我代表全家感恩宗性大和尚，感恩
葉鹿城先生，感恩多次表示要出資重印該書的
各位朋友，感恩上海書店出版社，感恩你們所
做的一切！

袁煥仙嗣女

九一老嫗：袁淑平

甲午年己巳月于成都家中



維摩精舍叢書都序

言者心之聲根於心發於口說文直言曰言蓋通彼我決是非破立而不可逾之的向矣元始渾噩善惡未形是非寧判後代鴟張雌黃信口黑白乃淆於是天下昏昏黯然失均也聖人者出設爲教論依言顯理卽理詮真苟至於真一已不寓本無的義寧有言章孔子曰子欲無言老子曰大音希聲無爲而民自化迦文曰不可說不可說是三大人者皆不欲言也不欲言而炎炎而淵淵而河懸詎得已哉必有所式矣當我土有周之季人心險巇邪說橫流老子爲關

尹喜說道德五千言孔子自衛反魯乃刪詩書定禮
樂贊周易修春秋竺土之婆羅門拜火等教亦於彼
時各肆其說淆紊眞宗迦文乃宏宣大法教闡一音
孟子懼楊墨之言盈天下而是非失軌大道不明也
其說曰天下之言不歸楊則歸墨楊氏爲我是無君
也墨氏兼愛是無父也無父無君是禽獸也又曰予
豈好辯哉予不得已也古聖哲述道振宗拈提策眾
津津焉諄諄焉馴至詈罵而聲嘶力竭者良有以矣
乃者大寢稽天莘莘學子不困舊說便銜新章釋孔
之心燈未然老莊之妙義無續治儒者斥道闢釋謂

攻異端道家者流以老莊爲神化而釋孔俱不入焉
至於釋子概斥他宗詆爲魔外而於自乘且亦互譏
詎知諸法本乎一心三教理無二致若曰此優是取
實際理地必立一塵必曰彼劣是捨萬行門中當少
一法庸詎知儒曰精一道曰玄宰釋曰眞如一名異
名假名耳昧者妄標門戶自詡精深是非倒置去取
乃乖方以吾土春秋戰國時竺土婆羅門拜火等教
熾盛時殆有過之而無不及此吾

師鹽亭袁夫子煥仙出世維摩精舍提持宗旨敷演
上乘闢邪說而大聲疾呼者矣

夫子以天縱之資邃博之學名儒而循吏歷膺軍政
顯職者數十年潛心內籍棲志心宗者亦數十年抵
老豁然發明大事詎曰警語聞於樓中扇搖契於江
外抑亦睹明星以悟道見拈花而破顏者矣悲大道
之胥淪四生之顛沛乃毅然棄軒冕捨山林遠肥膏
雜塵習思以如來家業孔老薪傳立己立人而及國
家天下也時孔則孔宜禪曰禪有時以佛入孔以老
入禪有時以禪入老以孔入佛有時以孔入佛老有
時以佛老入孔有時孔老佛俱入而俱不入有時孔
老佛俱不入而俱入音翻海浪語吐珠圓隨感赴機

因材鳴鐸於初學入德之無從也爲說黃葉間譚以
階之懼半途而搖心岐路也爲說樞窗隨判以廸之
或偏滯而執勝義之可循也爲說中庸勝唱以滙通
之他如靈巖語屑中詩歌聯偈劇曲雜章無不高提
祖印醒赴來機至於酬語則世法佛法勝法劣法是
法非法世出世間等一切種法靡不悉具而要歸於
第一義諦以統攝之無一而非孔老釋氏之名言無
一而是孔老釋氏之成言以水入水因言遣言此千
聖立教之通徑非

夫子一己之私言也故釋字隨心不僅漢學家之訓

詰於文隨意非襲司馬氏之成規誘掖魔外如父母
之於愛子嚴而不刻拈誦古今若日月之麗中天明
無不周懋矣都哉人百其口詎能仰贊心言等私淑門
牆得聞勝義於叢書刊行之始特揭櫫其著者文何
稱焉學者苟人手一篇以蘇開契挽旣倒之狂瀾明
千聖之宗旨固

夫子之志也若私鑲若墨守斤斤焉於言前句外字
裡行間者詎曰道負夫子抑已活埋自己矣邦之君
子曷興乎來

中華民國三十三年

月門人

內江伍心言
鹽亭范仲純謹序

告讀者

肇圖

曰維摩精舍叢書初函既梓內水伍先生心言
鹽亭仲純范子爲之都序揭全書之宗旨示學者之
的趨都哉都哉括而囊之抑已罄矣然其言渾其義
微而是函五集洋洋十數萬言讀者乍卽皎如百千
明鏡鑑物光光顯色色色透圓搖目驚心應接有如
山陰道上卽之不可離則匪親於是望洋興嘆遂棄
殘笥而廢自半途矣爰揭如左三事指其窾竅學者
苟嘗一櫛全鼎自知所謂綱舉而目張者也

一不獵繁

一語亡言當下知返苟得是篇隻字